

Умрзок Холбой ўгли Хайрат (1845—1915) илгор фикрли маърифатпарвар шоир ва нозиктаъб хаттот. У Наманган вилоятининг Тўрақўргон туманидаги Ёртепада камбагал дехкон оиласида дунёга келди.

У дастлаб кишлок мактабида, сўнг Тўрақўргон марказидаги Гойибназар мадрасасида тахсил кўрди. У тахсил давридаёқ бадий ижодга кизикди, ўзбек ва форс-тожик классиклари асарларини кунт билан мутолаа килди. Хаттотлик санъатининг кўплаб сирларини ўрганди. Мадрасани тугатгач, Тўрақўргон мингбошисига мирза бўлиб ишлади, кўп вақтини котиблик билан ўтказиб кишлок дехконларига ариза, мактуб ва мероснома, китоб кўчириб бериш хисобига факирона хаёт кечирган.

Янги усул мактаблари очила бошлагач, бу мактабларда ўқиш учун кишлокдан талабалар кела бошлади. Дунёвий билимлар ўқитилаётгани учун шоир ўз кишлогидидаги болаларни ўқишга даъват килади. Хайрат дўсти Фуркат ва бошка маърифат таркатувчилар сингари илм-маориф, фан ва маданиятни кўплаб шеърларида таргиб-ташвик килади.

ГАЗАЛЛАР

* * *

Шукрким, бўлди муяссар васли жонон бу кеча,
Гунчаи матлаб очилмок бирла хандон бу кеча.

Боргохи кибриёга арзи хожат айладим,
Хосил ўлдиким менга инъоми яздон бу кеча.

Толеим Хизри бўлиб рахбар мени гумрохга,
Зулмати хажр ичра тофтим оби хайвон бу кеча.

Васл жомин дилбарим сокий бўлиб тутди менга,
Нўш этиб якбора бўлдим масту хайрон бу кеча.

Жону дил бир-бирга берди, муждаи феруз асар,
Шодликдин топди кувват нури имон бу кеча.

Неча муддатдин бери чекдим агарчанди алам,
Махв бўлди, лавхи дилдин доги армон бу кеча.

Тиги фуркатдин кўнгул мажрух эрди, во ажаб,
Мархами курбат етишди дарда дармон бу кеча.

Ул жафоларким фироки ёрдин чекмиш эдим,
Гам хужумин боди васл этди паришон бу кеча.

Андалиби жон ўлуб, махбус тан зиндонида,

Сабр-ором олмайин айларди афгон бу кеча.

Шишаи дил санги кулфатдин эди доим шикаст,
Мўмиёи мархаматдин топди имкон бу кеча.

Дер эдим, бўлмас магар ул дилрабо васли насиб,
Лутфи ҳақ ёри бўлиб бу мушкул осон бу кеча.

Солди чун боли хумо бошимга шафкат соясин,
Маснади васл узра чикдим уйла султон бу кеча.

Жону дилга васл чоги тушди беҳад изтироб,
Булбули дил шавк ила бўлди хуш илхон бу кеча.-

Мутлако колмай хушим ўзни фаромуш айладим,
Макдамига нақди жоним бўлса қурбон бу кеча.

Дил дуоғў, жон ризоғў, аклу хушим хайрихоҳ,
Жисм аро ҳар устихонимдур саноҳон бу кеча.

Ёрким, мен нотавон афтодага раҳм айлади,
Ҳақ таоло давлатин қилсун фаровон бу кеча.

Маснади иззатда бўлсин қомрони пойдор,
Етмасун ранжу алам даҳр ичра бир он бу кеча,

Хосил ўлсун ҳар муродиким дилида бор эса,
Бўлса хоҳи ошқоро, хоҳ пинҳон бу кеча.

Субҳи максуди баравжидин тулу этсин нишот,
Қавқаби баҳти бўлиб чун моҳи тобон бу кеча.

Нури тавфиқи саодат шўъласи бирла дили,
Қўзғуси топсун жило ҳам илму ирфон бу кеча.

Хайрато, бордир агар жонинг тан ичра барқарор,
Айлагил доим дуойи хайри жонон бу кеча.

* * *

Сабо, етқур саломимни нигори гулузоримга,
Тахийёти қаломимни пари-пайқар нигоримга.

Сабо, арзим баён айлаб, неча элдин ниҳон айлаб,
Равон ашқимни қон айлаб фироқи ёригоримга.

Сабо, субхи малохатдин кетур бўйи латофатдин,
Дамодам атри рохатдин димоги мушқборимга.

Сабо, ман санга айтурман, сўзимни ёра айтурсан,
Юзи гул, орази гулшан малохат ошқоримга,

Сабо, сенга сўзум шулдур, дегил: «Бечора бир кулдур»,
Ажойиб кори мушкулдур, тагофил пеша ёримга.

Сабо, ул яхши дилбардин, жамоли меҳри ховардин,
Лаби ёкути аҳмардин хабар вер табъи зоримга.

Сабо, бир кун мани холим кўрарсан таври афъолим,
Етургил арзи аҳволим амири комқоримга.

Сабо, раҳм айла ман зора етур арзимни дилдора,
Хуморим бора тобора зиёд ўяди хуморимга.

Сабо, девонадур Хайрат анинг-чун тортадур кулфат,
Нечукдур сўрмагил холат, етур номамни ёримга.

* * *

Туштим, нигоро, бир турфа хола,
Хажру гамингдин ранжу малола.

Рўзу шабона оху фиғоним,
Тўлди фалакка овози нола.

Йўқтур жаҳонда жононлар ичра
Сиздек парирў ширин макола.

Афтода куллар нетсунки келмас,
Кўз-кўзга тушмай асло хаёла.

Махжурликда умри кўзимдин,
Жоридур ашким монанди жола.

Ёлгон тааззур кўрганда айтиб,
Бермай жавобим килган савола.

Ёраб, ракиби ношустарўлар
Юрсин йирокдин доим мўрола.

Ошиқларига ноз ила бокмай,
Мастура кизлар янглиг уёла.

Расми жавонлиг комехрибонлиг,
Айб этса бўлмас, хар хурд сола.

* * *

Фуркатда куйиб бўлдим сўзона тонг откунча,
Жисм ичра бўлиб жоним бирёна тонг откунча.

Васлинг ила шод эрди махзун дилим, эй махваш,
Хуснингни чарогига парвона тонг откунча.

Хуноба тўкуб кўздин, йиглаб сани ёд этдим,
Хилватда тутиб узлат пинхона тонг откунча.

Дардоки, фалак айлаб бизларни жудо сандин,
Хамхона килиб кўйди хижрона тонг откунча.

Ахсан сани кирдору атворингга пинхони,
Килдинг манга шафкатлар шохона тонг откунча.

Лайли каби ёд айлаб бу ошики Мажнунинг,
Этдинг ўзингга ул кун хамхона тонг откунча.

Эй шўхи сухандоним билмай сани кадрингни,
Сухбатни еткурмасдин поёна тонг откунча.

Навмиди висол ўлгач Хайратда мани хайрон,
Билмай ўзимни бўлдим девона тонг откунча.

* * *

Найлайин хайрона бўлмай, ёри жоним согиниб,
Дилбари махбублигда мах нишоним согиниб.

Васлидин уммиди рохат жону кўнгулда мудом,
Талх хажрида таки кому забоним согиниб.

Рахм этиб бир йўл хиром этгайму ул симин узор,
Иштиёкидин хазин жисмимда жоним согиниб.

Эй мени, махзундин айтинг, ул парига шахри роз,
Дўстлар, ёдида куйди устихоним согиниб.

Лахза-лахза ёдида бехушликлар рў берур,
Йўклигидин аклу идроку баёним согиниб.

Дам-бадам сориг юз ила йўлларида кўз тутиб,
Интизорида ётурман келмагоним согиниб.

Йўлида гарчанд кўпдур мен каби афтодалар,
Жумласига муктадоман кадрдоним согиниб.

Номалар ёздим неча сўзи дилимни шарх этиб,
Хайрати девона ўлдим, дебки хоним согиниб.

* * *

Неши гам етди жигарга устихонимдин ўтиб,
Дарбадар килди, нигоро, балки жонимдин ўтиб.

Отдилар хар чанд агёр ахли тийри таъналар,
Тегмади, алхамдулилло, кетди ёнимдин ўтиб.

Хуни ашкимдур шаробу багри бирёним кабоб,
Улфатимдур доги хасрат ину онимдин ўтиб.

Рахти икболим касод ўлмиш фано бозорида,
Хор ўлибдур ул мато бу остонимдин ўтиб.

Войким, дарду алам кўпдур дилимда дог-дог,
Нола булбул касб этар оху фиғонимдин ўтиб.

Сабру орому тахаммул жумла барбод ўлдилар,
Сарсари фуркат казоро гулситонимдин ўтиб.

Нуктаперойлар сухан бобида хамрозим эрур,
Мен нечук сабкат килурман хам инонимдин ўтиб.

Мазхари фазлу фасохат бўлса харким, Хайрато,
Сўзласун ул ёр васфида нишонимдин ўтиб.

* * *

Эй хабиби меҳрибоним, мунча ноз этмай келинг,
Хўб билурсиз холи зорим, имтиёз этмай келинг.

Гарчи биздин беадаблик содир ўлди хар неча,
Шафкат ила афв этиб журмим, ароз этмай келинг,

Рашк ўтида ўртаниб ёнсин менингдек гайр ха,м,
Сарнигун айлаб гами-ла сарфароз этмай келинг.

Оташи фуркатда сийнам куйдириб хамчун сипанд,
Хам тагофил ўтида бағрим гудоз этмай келинг.

Мумкин эрмас бўлмаса агёрларнинг таънаси,
Билмасин ахли гараз, ифшои роз этмай келинг.

Айб эмасдур хусн шохидин гадога мархамат,
Жабрингизни кўпу лутфингизни оз этмай келинг.

Йўк менга сиздин бўлак бир роздони дилнишин,
Хасратимга ўзгаларни ахли роз этмай келинг.

Хор этиб суйган гирифторингизга айлаб назар,
Ижтиноб ила жафо боз узра боз этмай келинг.

Айтаберсам то киёмат хасратим бўлмас адо,
Кисса кўтах бўлса яхшидур, дароз этмай келинг.

Номингизга бир мувашшах килди иншо Хайратий,
Кулбаи вайронасига эхтироз этмай келинг.

* * *

Кеча охтардим, ўшал сарви равон учрамади.
Ошкоро демайин, балки нихон учрамади.

Кўчаларга сув уруб конли ёшим бирла, дариг,.
Бир кадам кўймайин ул сарви равон учрамади.

Телбалардек юрубон хар сори кўб тентирадим,
Келди чикмокка якин огзима жон учрамади.

Колмади сабру карорим они хижронида ох,
Мани саргаштага ул сарви равон учрамади.

Дашти фуркатда адам бўлди вужудим гўё,
Бошима соя солиб, рохати жон учрамади.

Бир кўрарга мани зор айлади, жонон на килай,
Касди ўлдурмак экан, бермай амон учрамади.

Комати тубийи жаннат, лаби чун лаъли Яман,
Орази шамъи шабистони жахон учрамади.

Наргиси мастидин охуйи Хўтан хижлат аро,
Коши ё киприги чун тийру синон учрамади.

Хайратим ошдию хар ён югуриб колмади тоб,
Яна маъюс бўлиб ёндиму жон учрамади.

* * *

Эй пари, бас килгил истигнони, жоним колмади,
Сенга узр айтурга нутк ила забоним колмади.

Сабр килдим ончунон, бир йўл тараххум этмадинг,
Чохи хижрсагада колиб, чикмок гумоним колмади.

Гайриларнинг сухбатида булбулигўё бўлиб,
Манга колганда дединг:— Эмди забоним колмади.

Рахм кил минбаъд, нечун багрим эзди фуркатинг,
Зохир этдим сенга, бир сирри нихоним колмади.

Хор тутма гарчи бўлсам хам факиру нотавон,
Хасратингда ушбу жони нотавоним колмади.

Айладинг беҳад мани ошуфтахол, эй дилрабо!
Куймаган хажр ўтида бир устихоним колмади.

Назм аро зийнат учун номи хуруфингни олиб,
Йигламай бу хомаи мискин фишоним колмади.

Илтифот эт, колмайин то водии Хайрат аро,
Мухтасар килдим сухан, алкисса жоним колмади.

* * *

Бир-бирин деган киши пайванди жон бўлмок керак,
Талх сўзини кўйиб ширин забон бўлмок керак.

Дўсту душман ўртасида фарки шулдур, эй кўнгул,
Лутфу шафкат бирла доим меҳрибон бўлмок керак.

Доимо истаб ризосик хотирини овлабон,
Айланиб ахволига хам роздон бўлмок керак...

Хозиру гойибда айлаб ёд яхши васф ила,
Зохиру ботинга бир жисм ичра жон бўлмок керак.

Бегараз улфатчилик айлаб хамиша рўзу шаб,
Бу эмиш шарти муваддат як забон бўлмок керак.

Хар неча муфсид эли килса арода васваса,
Бовар этмай дафъатан бо имтихон бўлмок керак.

Бу замона ошноси бул ажаб хар ранг эрур,
Яхшига яхши, ёмонларга ёмон бўлмок керак.

Тил била сидку мухаббат, дилда юз кибру нифок,
Бу тарика ошнодин бадгумон бўлмок керак.

Хайрато, дахр ахлидин мехру вафо тутма умид,
Бўлди лозим бу ародин бенишон бўлмок керак.

* * *

Килай хар дам дуойи давлатинг, дилбар саломат бўл,
Бўлубман мубталойи суратинг, дилбар саломат бўл.

Омон бўлсун хамиша сен била хар кимки хамдамдур,
Муносиб хам келишган улфатинг, дилбар саломат бўл

Русуми дилраболиг, эй пари, саНга мусалламдур,
Хусусан ўлтуришда сухбатинг, дилбар саломат бўл.

Юзинг гул ёсамин, лаъли лабинг чун гунчаи гулдур,
Мисоли навдаи гул коматинг, дилбар саломат бўл.

Хабардор ўлгил, эй махваш гахи афтода холимга,
Бўлибдурман асири фуркатинг, дилбар саломат бўл.

На килсун колмади сабри кўриб хусни жамолингни,
Килур доим дуолар, Хайратинг, дилбар саломат бўл.

* * *

Ё илохо, мен каби хеч кимса хайрон ўлмасун,
Гурбат ичра кулфат ила банди зиндон ўлмасун.

Йўк кишиким хаста холимни сўраб шод эткудек,
Бешууру, бекарору, бенигахбон ўлмасун.

Айрилиб ёру диёридин алам ёбонида,
Зору дур афтодалик бирла жигар кон ўлмасун.

Кадрдонлардин жудою, ношунос ахлига хор,
Ибтилоликда менингдек доги хижрон ўлмасун.

Хар замон ножинсу номавзун ила хамроз ўлуб,
Хотири гул баргидек хар ён паришон ўлмасун.

Не бир ахбоби самимий ахли дарди бегараз,
Хамдами хайли тахаллуфпеша нодон ўлмасун.

Ноз этиб, нозик адои нозанинлар нозики,
Окибат хажрида онларни пушаймон ўлмасун.

Хар ким ёраб, бу фони дахр аро ахбобидин,
Айрилиб девона Хайратдек газалхон ўлмасун.

* * *

Очма рухсоринг чамандин рангу бў кўзгалмасун,
Аксидин ойналар монанди сув кўзгалмасун.

Гулшан ичра кулма токим, гунча багри чок ўлиб,
Лаълингга айлаб ўзини рўбарў кўзгалмасун.

Рахм этиб муштоклар сорига гохо кўй кадам,
Васлинг истаб мисли Мажнун кўбакў кўзгалмасун.

Муддатедур дарди хижронингга бўлдим мубтало,
Тандин айлаб кетгали жон жустужў кўзгалмасун,

Ишк беморига, эй нодон, табиб этма илож,
Бевафо деб хикмат ахлидин гулу кўзгалмасун,

Лоладек кат-кат кўнгуллар хасратидин догдур,
Кўркарам изхорига деб гуфтугў кўзгалмасун.

Нка бирла жайбу домоним гамингнинг панжаси —
Чок-чок этди, ўзингдин феъли хў кўзгалмасун.

Жону дил муштокдур, жоно, висолинг жомига
Ўзгалар сахбоя пур айлаб, сабу кўзгалмасун.

Айлама хар булхавасни сухбатингдин бахравор,
Токи бу нуксонига афсонагў кўзгалмасун.

Нозанино, бу жахон ичра кўнгулда муддао
Васлинг уммидидин ўзга орзу кўзгалмасун.

Хайрати девона, бирни деб бўлакка бокмаким,
Чарх давронида ногох сахв дув кўзгалмасун.

* * *

Бўлмасун, ёраб, киши мендек диёридин жудо,
Айшу ишрат нўши жоми рўзгоридин жудо.

Тортибон тори насиба хар тараф занжир ила,
Гурбат ичра зор ўлиб ахли каторидин жудо.

Интизори ахли авлод ўлмасун фуркат аро,
Ёри мушфик зумраи хешу таборидин жудо.

Маскани маълуфу маъво манзили жойи аро,
Гарчи бўлсун анкабут ул тори коридин жудо.

Булбул ўлмас хуш наво айрилса гулшандан агар,
Ноласи жонсўз ул фасли бахоридин жудо.

Токат этмаз хеч вақти хажр аро махзун кўнгул,
Ёраб, асло бўлмасун ошиқ нигоридин жудо.

Интизорин ваъдаи дийдор дилдор этгуси,
Халк аро афсонаи хам аклу оридин жудо.

Хайратий девонага хуббул ватан манзурдур,
Бўлмасун ул нури чашми рўзгоридин жудо.

* * *

Кўнглумда гаминг наштаридин доғи алам бор,
Ким санга асир ўлди анга ушбу надам бор.

Эй шўхи пари чехра, сени деб бу жаҳонда,
На майли чаман, на хаваси боғи Эрам бор.

То жоним эрур тан кафаси ичра мукаррар,
Ишкинда каландарман, анга шохид эгам бор.

Бу телбалигим боисидур ишқ жунуни,
Кисматда менга ёзган они лавху калам бор.

Хуноба тўкай тобакай, эй ёр кўзимдин,
Хажрингда агар етса ажал менга на гам бор.

Ўлдим дедиму, айламадинг лутф ила парво,
Харгиз демадинг, ишким аро санда алам бор.

Номингни дурри харфини бу назм узра ёздим,
Девонаи Хайрат дилида ушбу ракам бор.

* * *

Неча кундурким менга ул шўх жонон иидамас,
Хар неча килсам гами хажрида афгон, индамас.

Ул париваш ёр хажрида давомат кўзларим,
Дард бирла хар нечаким йигласун кон, индамас.

Жону дил бирла мухаббат айладим аммо на суд,
Билса хам ишкида ахволимни чандон, индамас.

Йўкламас гарчанд беморини дарди хажридин,
Колди на жонимда рохат, танда дармон, индамас.

Ул париваш ишкида ўлмақдин ўзга чора йўк,
Эндиликда хар куни берсамки юз жон, индамас.

Бўлди Фарход ила Мажнун киссаси афсонадек,
Чунки ёр олдимда, аммо дил паришон, индамас.

Найлайинким гайрилар бирла менинг рагмим учун
Рўбарўда ўлтуриб, ул ёри нодон, индамас.

Ваъдаи васлига мен нодон инониб шод эдим,
Кайда колди ул вафойи ахду паймон, индамас.

Гунчаи табъим насими муждадин очилмагай,
То кетиб кулбамга ул шўхи сухандон, индамас.

Рост деб бўлмас ишониб бевафолар ахдига,
Бўлса хамким ваъдаси кўрганда ёлгон индамас.

Тут умид илки била домони матлаб охири,
Хайратий девона сенга, йўктур- имкон индамас.

МУХАММАСЛАР

НОДИМ ГАЗАЛИГА МУХАММАС

Келгил, эй махваш, кўзим муштоки дийдоринг сенинг,
Ишк бозорида жон жазми харидоринг сенинг,
Ушбу савдога сабаб, бу хусну рухсоринг сенинг,

Умрлардурким кўнгул, жоно, гирифторинг сенинг,
Орзуманди лаби лаъли шакарборинг сенинг.

Коматингдан сарв хам гул новдаси бебокдур,
Лабларинг лаълу, тишинг дурдонаи ноёбдур,
Махрами хусн ичра ул ким шўълаи махтобдур,
Базм аро шамъи нишот афрўз, оламтобдур,
Эй парилар сарвари, ул икки рухсоринг сенинг.

Бир йўл, эй берахм, дил васлинг-ла хурсанд ўлмади,
Базмларда илтифотинг-ла фарахманд ўлмади,
Мен каби хеч кимса доми хажрингга банд ўлмади,
Охким, харгиз висолингдин баруманд ўлмади,
Жон бериб юз минг менингдек ошики зоринг сенинг.

Мардуми чашминг солиб кўнгулга юз минг шўру шар,
Холи хиндуким занахдонингда кўрдим мустакар,
Хасратида нола килмоқдур фаним шому сахар,
Лаъли нобинг иштиёкидин бўлиб хуни жигар,
Гунча янглиг тах-батах кондур дилафгоринг сенинг.

Эй малохат тахтида сенсан амири сарфароз,
Хўбларнинг сарварисан, дилбари ошик навоз,
Ишк элининг кори-боридур хама ажзу ниёз,
Хар жафою жабр килсанг инжимам, эй сарви ноз,
Ўзгалар лутфидин ортик жонга озоринг сенинг.

Чашми хунрезинг хамиша касди жон этмок тилар,
Орзуйи лабларинг багримни кон этмок тилар,
Шавки дийдоринг кўзим ёшин равон этмок тилар,
Хоки пойингни нисори накди жон этмок тилар,
Кеча-кундуз йиглабон хар ерда хушторинг сенинг.

Эй пари, сенсан хама махваш эли ичра синад,
Олам ичра ошики дийдоринг эрмиш беадад,
Хайратий девонага исминг аён этмок на хад,
Нодим ашъорига музмар харфу ишкинг то абад,
Хирзи жони ахли ушшок ўлди тумморинг сенинг.

НИСБАТ ГАЗАЛИГА МУХАММАС

Охким, бир бўлмадик асло кадрдон иккимиз,
Этмадук кўл ушлашиб сайри гулистон иккимиз,
Не бўлур, эй юзлари хуршиди тобон иккимиз,
Ошнолик бирла бўлсак шоду хандон иккимиз,
Ўртамизга тушмаса бегона бир он иккимиз.

Доимо кезгум чу булбул гулюзим ёдин килиб,
Нанг ила номус, аклу хуш барбодин килиб,
Иттифоко ёрими кўрганда дил шодин килиб,
Хайфким, хар дам фалак кажравлик ижодин килиб,
Гар топишсак кўймагай сухбатга чандон иккимиз.

Иштиёкидин бўлиб жон ила диллар беҳузур,
Етмадим васлига харгиз, кўрмадим айшу сурур,
Бор эканму билмадим оё бу пешонамда шўр,
Муддао накши мухаббат кўнглимиз лавхидадур,
Рамз ила имо этишмок эрди, эй жон, иккимиз.

Муддаоёи хотирим бўлгаймукин, ёраб, хусул,
Тиги хижрон ила захмин кўнглум ўлди пур малул,
Бўлса хохи ошно ёким ракиби булфузул,
Дахли йўк гайри дигар гар топса ўртамизга йўл,
Махзи хасратлар била килгаймиз армон иккимиз.

Ишк жомин маст хар ким нўш этар хушёр эмас,
Кимдур ул бўлсун фаришта хамнафас агёр эмас,
Волаи мафтун кўнгул деб орзуга ор эмас,
Хохи дўсту хохи душман бизга хеч даркор эмас,
Жони дилдек бўлсак ар тан ичра пинхон иккимиз.

Сайр этиб юрсак иков боглар аро дилхушлашиб,
Учраса хажр ила фуркат жон борича мушлашиб,
Бодаи гулрангдин нўш айлабон майхушлашиб,
Орзум шулдур хамиша сиз билан кўл ушлашиб,
Айласак хар ён хиромон ила жавлон иккимиз.

Кахр этиб гохи ситам тигида сийнам тилдириб,
Ним нигохи хандаомиз ила гохи кулдириб,
Хайратий девонага махбуб эконин билдириб,
Нисбатийга амр этиб, гохи мувашшах килдириб,
Номингиз ашъорига бўлсак газалхон иккимиз.

МУКИМИЙ ГАЗАЛИГА МУХАММАС

Ишк аро ошик элин афгор килмок шунчалар,
Йиглатиб кўз ёшини хунбор килмок шунчалар,
Арзи хол этса агар инкор килмок шунчалар,
Зулм ила кахру газаб изхор килмок шунчалар,
Ошики бечорага озор килмок шунчалар.

Лутф этиб агёрига рашк ўти бирла куйдуриб,
Тиги ноз ила неча муштокларни ўлдуриб,

Васлидин махрум этиб, хар ён ракиб ила юриб,
Гул дебон севган кишининг кўкрагига ниш уриб,
Хастаю маъюс этиб, афгор килмок шунчалар.

Бир такаллум айламай хушторларнинг базмида,
Комёб гулдек чу ман беморларнинг базмида,
Ошики содик дили афгорларнинг базмида,
Тўтии ширинсухан агёрларнинг базмида,
Бизга келганда гапурмай, зор килмок шунчалар.

Нозу истигнолар ила олмайин юздин никоб,
Бир киё бокмай, яна айлаб неча кахру газоб,
Эй шахи тахти малохат, дилбари олий жаноб,
Сизга ким айди, мухаббат ахлини кил эхтисоб,
Кўркутиб ўз айбига икром килмок шунчалар.

Бўлса хар кандог киши улфат якоси тугмалик,
Хар касу нокаски, бадтийнат, якоси тугмалик,
Хуш тавозе бўлса, серсавлат, якоси тугмалик,
Келса олдингизга бой сурат, якоси тугмалик,
Иззат ила шоду миннатдор килмок шунчалар.

Ким кезиб дашти мухаббат ичрадур зору асир,
Тут факирлар илкини бўлса агар равшан замир,
Кўзга илмай, эхтироз ила ани айлаб чакир,
Гарчи келса эски тўн, биздек дуогўйи хакир,
Камбагалнинг хиркасидин ор килмок шунчалар.

Ёр агар зулм этса, Хайрат, тонмагай харгиз Муким,
Хажр жомин нўш этарда конмагай, харгиз Муким,
Хар бир ишким етса, мехнат сонмагай харгиз Муким,
Хар балою жабр келса ёнмагай харгиз Муким,
Ошик ахлини урубон хор килмок шунчалар.

РУБОИЙЛАР

* * *

Ёраб, ахли дард ила хамроз кил,
Мунису хамсухбату дамсоз кил.
Килма хар ножинс ила хамдам мани,
Улфати ахли салохи соз кил.

* * *

Сокиё, навбат ила жом кетур,
Нўш этай дам тутиб тамом, кетур.
Гам била хотирим мушаввашдур,
Тарк килмай ани давом кетур.

* * *

Агарчи Хайратий девонадурман,
Бихамдиллохким, фарзонадурман.
Кўзи кўр ахлига гўё сомоне,
Кўзи бийнога чун дурдонадурман.

* * *

Сокиё, лолагун шароб кетур,
Жисми жонимга печу тоб кетур,
Доми гамдин даме халос бўлиб,
Ёзайин хасратим, китоб кетур!

* * *

Эшитган, ўкугонга Хайратийдин аргумондур бу,
Дилидин, рози ифшодин баён хам таржимондур бу.
Ёзилган сафхаи кўнглумга илхоми илохийдин
Ки бир нозик адо дилдор васфидин нишондур бу.